




Broj: 04-50-1836/10
Sarajevo, 28.04.2010. godine



**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE**

PREDSTAVNIČKI DOM

N/r gospodina Milorada Živkovića/predsjedavajućeg

PREDMET: Odgovor na poslaničko pitanje

VEZA: Vaš akt broj: 01/a-50-1-15-75/10 od 12.04.2010. godine

Poštovani,

Gospodin **Husein Nanić**, poslanik u Predstavničkom domu Parlamentarne skupštine Bosne i Hercegovine, na 75. sjednici Predstavničkog doma Parlamentarne skupštine Bosne i Hercegovine održanoj 07.04.2010. godine, postavio je sljedeće

Poslaničko pitanje

„Poznata je činjenica da je Evropski sud za ljudska prava u predmetu Sejdić-Finci protiv BiH donio presudu i utvrdio povredu prava aplikanata i naložio BiH da u roku od tri mjeseca isplati dosuđene iznose troškova (oko 25.000 eura), kao i naložio izmjenu relevantne odredbe Ustava BiH i Izbornog zakona BiH kako bi se utvrđena povreda prava otklonila. Postoje indicije da će se na ovim izborima prijaviti nekoliko stotina građana na isti način kao prethodna dva građana, a najava je i od strane jednog od aplikanata ponovno podnošenje zahtjeva. Ukoliko se to desi, uz činjenicu da BiH nije postupila po presudi postoji mogućnost da će BiH platiti milionske troškove aplikantima, i da BiH bude zatrpána presudama o kršenju ljudskih prava. Postavljam pitanje, šta će Vijeće ministara BiH poduzeti da se te stvari ne dese i da pored utvrđenog kršenja ljudskih prava poreski obveznici plate nepostupanje vlasti BiH po presudi, a u slučaju ako se ne uskladi Ustav BiH i Izborni zakon BiH sa presudom.“

Centralna izborna komisija Bosne i Hercegovine (u daljnjem tekstu: Centralna izborna komisija BiH) u skladu sa ovlaštenjima, definisanim Izbornim zakonom Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) (u daljnjem tekstu: Izborni zakon BiH), daje slijedeći

ODGOVOR **na poslaničko pitanje**

Izbornim zakonom BiH propisano je da je Centralna izborna komisija BiH nezavistan organ koji podnosi izvještaj neposredno Parlamentarnoj skupštini Bosne i Hercegovine i čije ovlasti iz nje proizilaze (član 2.9 zakona).

S tim u vezi, Centralna izborna komisija BiH nije zakonodavni organ pa ne može ni biti nadležna - odgovorna za izmjene i dopune Ustava Bosne i Hercegovine i Izbornog zakona BiH u pogledu implementacije odluke Evropskog suda za ljudska prava, u predmetu Sejdić- Finci protiv BiH.

Centralna izborna komisija BiH, pored ostalih-izričito propisanih obaveza, isključivo stručno - tehničkog tipa:

- ovjerava političke stranke, koalicije, liste nezavisnih kandidata i nezavisne kandidate za učešće na svim nivoima neposrednih izbora u Bosni i Hercegovini;
- potvrđuje i ovjerava kandidatske liste za sve nivoe neposrednih i posrednih izbora u Bosni i Hercegovini obuhvaćenih Izbornim zakonom BiH.

Članom 8.1. Izbornog zakona BiH propisan je način izbora članova Predsjedništva Bosne i Hercegovine, tako da jednog Bošnjaka i jednog Hrvata, koji se neposredno biraju sa teritorije Federacije Bosne i Hercegovine, biraju birači upisani u Centralni birački spisak da glasaju u Federaciji Bosne i Hercegovine, pri čemu birač upisan u Centralni birački spisak da glasa u Federaciji Bosne i Hercegovine može glasati ili za Bošnjaka ili za Hrvata, ali ne za oba.

Člana Predsjedništva Bosne i Hercegovine, koji se neposredno bira sa teritorije Republike Srpske - jednog Srbina, biraju birači upisani u Centralni birački spisak da glasaju u Republici Srpskoj.


Prijave za učešće na izborima 2010. godine, Centralna izborna komisija BiH će razmatrati po proceduri iz člana 4.6 stav (3) Izbornog zakona BiH.

S poštovanjem,

Dostaviti:

- Naslovu – 1x
- a/a – 1x

Predsjednica
Irena Hadžić





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1287/10
Sarajevo, 10.6.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10. 6. 2010.			
Organizaciona jedinica	Klasifikaciona oznaka	Radni broj	Broj priloga
01-	50-1-15-	75/10	

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 124. sjednici održanoj 10.6.2010. godine, utvrdilo je Odgovor na zastupničko pitanje koje je postavio gosp. Husein Nanić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-1287/10
Sarajevo, 10.6.2010. godine

Husein Nanić poslanik u Predstavničkom domu Parlamentarne skupštine Bosne i Hercegovine, na 75. sjednici Predstavničkog doma, održanoj 07.04.2010 godine, postavio je sljedeće poslaničko pitanje:

„Poznata je činjenica da je Evropski sud za ljudska prava u predmetu Sejdić- Finci protiv BiH donio presudu i utvrdio povredu prava aplikanata i naložio BiH da u roku od tri mjeseca isplati dosudene iznose troškova (oko 25.000 eura), kao i naložio izmjenu relevantne odredbe Ustava BiH i Izbornog zakona BiH kako bi se utvrđena povreda prava otklonila. Postoje indicije da će se na ovim izborima prijaviti nekoliko stotina građana na isti način kao i predhodna dva građana, a najava je i od strane jednog od aplikanata ponovno podnošenje zahtjeva. Ukoliko se to desi, uz činjenicu da BiH nije postupila po presudi postoji mogućnost da će BiH platiti milionske troškove aplikantima i da BiH bude zatrpána presudama o kršenju ljudskih prava. Postavljam pitanje šta će Vijeće ministara BiH poduzeti da se te stvari ne dese i da pored utvrđenog kršenja ljudskih prava poreski obveznici plate nepostupanje vlasti BiH po presudi, a u slučaju ako se ne uskladi Ustav BiH i Izborni zakon BiH sa presudom “

Na postavljeno poslaničko pitanje, Vijeće ministara Bosne i Hercegovine je na 124. sjednici, održanoj 10.6.2010. godine, utvrdilo sljedeći

ODGOVOR

Dana 25.01.2010. godine, Ured zastupnika/agenta Vijeća ministara Bosne i Hercegovine pred Evropskim sudom za ljudska prava, dostavio je Vijeću ministara Bosne i Hercegovine Informaciju o presudi Evropskog suda za ljudska prava u Strazburu broj App no. 27996/06 i 34863/06 u predmetu Sejdić i Finci protiv Bosne i Hercegovine, sa zahtjevom za preduzimanje generalnih mjera u skladu sa Pravilima Komiteta ministara za nadzor nad izvršenjem presuda Evropskog suda za ljudska prava. Radnim metodama i drugim dokumentima Komiteta ministara Vijeća evrope.

Vijeće ministara je razmotrilo Informaciju te je zadužilo Ministarstvo pravde Bosne i Hercegovine da u saradnji sa Ministarstvom za ljudska prava i izbjeglice Bosne i Hercegovine i Ministarstvom civilnih poslova Bosne i Hercegovine, u roku od 20 dana pripremi i Vijeću ministara dostavi Akcioni plan za izvršenje presude Sejdić i Finci protiv Bosne i Hercegovine.

Na 11. tematskoj sjednici, održanoj 04.03.2010. godine, Vijeće ministara je usvojilo Akcioni plan.

U skladu sa Akcionim planom, Odlukom Vijeća ministara VM broj 53/10 od 09.03.2010. godine, formirana je Radna grupa zadužena za provođenje Akcionog plana. Zadaci Radne grupe definisani Odlukom bili su: a) priprema nacrtu amandmana na Ustav BiH i dostavljanje Vijeću ministara na razmatranje i usvajanje do 29.03.2010. godine; b) priprema nacrtu Zakona o izmjenama i dopunama Izbornog zakona Bosne i Hercegovine, te dostavljanje Vijeću ministara na razmatranje i usvajanje do 15.04.2010. godine.

Do određenog roka Radna grupa nije uspjela postići dogovor o nacrtu amandmana na Ustav BiH, te je Vijeću ministara dostavljen izvještaj o radu Radne grupe. Vijeće ministara je na 119. sjednici, održanoj 22.04.2010. godine, usvojilo izvještaj i zadužilo Radnu grupu da dodatno razmotri mogućnost izvršenja obaveza koje je Bosna i Hercegovina dužna da izvrši shodno presudi, kao i da Vijeću ministara predloži inovirani Akcioni plan sa realno procijenjenim rokovima i načinima za provođenje pojedinih aktivnosti.

U skladu sa zaključkom Vijeća ministara, Radna grupa je nastavila rad na iznalaženju rješenja za izvršenje predmetne presude, a posebno imajući u vidu Rezoluciju 1725 Vijeća Evrope, u kojoj je Parlamentarna skupština Vijeća Evrope, pozvala vlasti Bosne i Hercegovine da prije općih izbora u oktobru 2010. godine, pokrenu ozbiljan institucionalan proces za pripremu sveobuhvatnog paketa ustavnih amandmana u skladu s postprijetnim obavezama zemlje.